



UNIVERSITÄTS-
BIBLIOTHEK
PADERBORN

Universitätsbibliothek Paderborn

Imago saeculi XVII. ad annum huius saeculi X. producta

Neuhusii Paderbornae, 1710

Annus 1614.

urn:nbn:de:hbz:466:1-29436

Ferdinandus Cardinalis Mantuanus pí-
leo renuntiat & pro demortuo fratre pro-
vinciam gubernandam suscipit. Cum Ca-
rolo Emmanuele Sabaudo ratione Ducatūs
Monferatensis graviter dissidet.

ANNO 1614.

Elector Brandenburgicus deserto Luthe-
ro transit ad sectam Calvini , Dux verò
Neoburgicus ad sacra Romana, quæ 25 Ma-
ji publicè cum magna solennitate profitetur
Dusseldorpii, eademq; defuncto paulò post
Parente Ludovico in ducatum Neoburgicū
postliminio reducit.

Poloni sedato factioso milite per quinq;
milliones invadunt denuò Moschos, & tres
eorum exercitus feliciter profligant.

Cosacci Thraciam ad conspectum usque
Constantinopolis, & Nagaiensem Tartari-
am depopulantur. Bythiniam & Paphlago-
niam vastant, Trapezuntem cum portu, ar-
mamentario & 27 triremibus evertunt , Si-
nopem incendunt , ingentique prædâ po-
tiuntur.

Rex Galliæ post tumultus aliquot utcun-
que sōpitos attingens annū 14 in parlamen-
to Parisiensi 2 Octōbr. regni administratio-
nem suscipit, & trium ordinum comitia ce-
lebrat;

lebrat ; ingesta ibi quæstio ab Ordine Plebejorum de potestate summi Pontificis in Reges ab ordine Ecclesiastico & nobilium, & sanctiori Regis concilio statim supprimitur.

Persecutionem in Japonenses Christianos dñe urget Rex Cubo-paganus, Anglo-rum præcipue & Batavorum artibus, qui ad reddendam sibi negotiationis viam facilitorem mentiuntur Regi, id unum agi à Catholicis, ut Hispanis & Lusitanis pateat aditus ad occupandam Japoniam.

Spinola Aquisgranum & Mülhemium, urbes Cæsari adversantes, comprimit.

ANNO 1615.

ROmam deferuntur mense Januario litteræ à Gabriele Gangrensi in Paphlagonia Episcopo, quibus agnoscit primatum Romani Pontificis. In eunte Octobri eidem obsequium defert per equitem Vandomiū Henrici IV. filium naturalem Ludovicus Rex Galliæ, quod hoc ipso mense exeunte præstant etiam legati missi ab Idate in Japonia Rege Voxu.

Correspondentes conveniunt Norimbergam præsentibus legatis Regum Franciæ, Angliæ, Daniæ, & Ordinum fœderatorum Belgii. *Ann. Boici.* B Men-